



**458/2024 EBAZPENA, EKAINAREN 19KOA, OSAKIDETZAKO GIZA BALIABIDEEN ZUZENDARIARENA, ZEINAREN BIDEZ DEIALDIA EGITEN DEN ZERBITZUETAKO LANGILEA - BILTEGIKO MANTENTZE-LANAK LANPOSTU BAT ALDI BATERAKO BARNE-SUSTAPENAREN / ZERBITZU-EGINKIZUNEN BIDEZ BETETZEKO, OSAKIDETZA-EUSKAL OSASUN ZERBITZUKO ZUZENDARITZA NAGUSIKO EKONOMIAKO ETA FINANTZAKO ZUZENDARITZAKO ZERBITZU ESTRATEGIKOEN UNITATEAN.**

**LANPOSTUA:** ZERBITZUETAKO LANGILEA - BILTEGIKO MANTENTZE-LANAK.

**DESTINOA:** Zuzendaritza Nagusia, Ekonomiako eta Finantzako Zuzendaritza, Zerbitzu Estrategikoak.

Lanaldi zatitua (Vitoria-Gasteiz).

**HIZKUNTZA-ESKAKIZUNA:**1. HE (derrigortasun-data: 2010/06/01).

**ESKAKIZUNAK:** (agiri bidez egiaztatu beharko dira, salbu eta CV aplikazioan badaude).

**Aldi baterako barne-sustapeneko eskatzaileentzat:**

- Osakidetza-Euskal osasun zerbitzuko zerbitzu-erakundeei atxikitako karrerako funtzionarioa, estatutupeko langile finkoa edo lan-kontratudun finkoa izatea.
- Zerbitzu aktiboan egotea eta lortu nahi den lanpostuaren titulazio-maila berekoa edo baxuagokoa den beste kategoria batekoa izatea.
- Ez izatea karrerako funtzionario, estatutupeko langile finko edo lan-kontratudun finkoko izendapenik Zerbitzuetako Langilea - Biltegiko mantentze-lanak kategorian, izendapen edo kontratu horrekiko interesdunak daukan egoera administratiboa edozein izanda ere.
- Zuzendaritza Nagusiari atxikita egotea langile finko gisa, Zuzendaritza Nagusiko langileen barne-sustapenaren kasuan.
- Zuzendaritza Nagusia ez den beste zerbitzu-erakunde bati atxikita egotea langile finko gisa, zerbitzu-erakundeen arteko barne-sustapenaren kasuan.
- Kategoria bereko lanpostu batean aldi baterako barne-sustapenean egonez gero, egoera horretan urtebete baino gehiago egotea, etenik gabe.
- Osakidetza-Euskal osasun zerbitzua Ente Publikoko lanpostu funtzionalak arautzen dituen uztailaren 19ko 186/2005 Dekretuan ezarritako titulazioa izatea eta iragarritako azken EPEan kategoria honen oinarrietan ezarritako gainerako titulazio-eskakizunak betetzea.

Aipaturiko baldintzak eskabideak aurkezteko epearen azken egunean bete behar dira.



**Zerbitzu-eginkizunen eskatzaileentzat:**

- Osakidetza-Euskal osasun zerbitzuko zerbitzu-erakundeei atxikitako karrerako funtzionarioa, estatutupeko langile finkoa edo lan-kontratudun finkoa izatea edo Osasun Sistema Nazionaleko gainerako osasun-zerbitzuetako karrerako funtzionarioa edo estatutupeko langile finkoa izatea, Zerbitzuetako Langilea - Biltegiko mantentze-lanak kategorian.

- Zerbitzu aktiboan egotea, eta lanpostuak betetzeko eskaera ez egitea norberak lanpostua jabetzan duen edo zerbitzu aktibora behin-behinean itzultzeagatik atxikita dagoen zerbitzu-erakundean.

Aipaturiko baldintzak eskabideak aurkezteko epearen azken egunean bete behar dira.

**MEREZIMENDUEN BAREMOA** (agiri bidez egiaztatu beharko dira, salbu eta CV aplikazioan badaude):

**Aldi-baterako barne-sustapenaren eskatzaileentzat:**

- EPEko oposizio-fasea (gehienez, 100 puntu).
- Lan-esperientzia (gehienez, 80 puntu).

Eskabideak aurkezteko epea zabaltzen den arte izangaiei aitortu zaien zerbitzaldia hartuko da kontuan.

**Zerbitzu-eginkizunen eskatzaileentzat:**

- Lan-esperientzia, kategoriaren azken lekualdatze-lehiaketaren oinarrien arabera. (gehienez, 47,5 puntu).

Eskabideak aurkezteko epea zabaltzen den arte izangaiei aitortu zaien zerbitzaldia hartuko da kontuan.

**Euskararen ezagutza**

Euskararen ezagutzaren balorazioari dagokion puntuazioa Osakidetzan euskararen erabilera normalizatzeko 67/2003 Dekretuaren 24. artikuluan ezarritakoarekin bat etorritik egingo da.

**ESKABIDEAK AURKEZTEA:**

Interesdunek Osakidetzako Zuzendaritza Nagusiaren Giza Baliabideen Zuzendaritzara bidali behar dute eskabidea (Araba kalea 45, 01006 Vitoria-Gasteiz), beren datu pertsonal guztiekin, curriculum vitae dokumentatuarekin (aplikazio informatikoan baliozkotuta daukatenek izan ezik) eta eskatutako ezagutza espezifikoak egiaztatzeko egokitzat jotzen duten dokumentazioarekin batera.

Eskabideak aurkezteko epea 15 egun baliodunekoa izango da, deialdia webgunean argitaratu eta hurrengo egunetik aurrera.

### **LEHENTASUN-HURRENKERA**

Lanpostua betetzeko lehentasun-hurrenkera honako hau izango da:

- 1.–Aldi baterako barne-sustapena Zuzendaritza Nagusian. Sistema hori erabilia ezin izango balitz lanpostua bete, hurrengo atalean adierazten dena erabiliko litzateke.
- 2.–Zerbitzu-eginkizunak. Sistema hori erabilia ezin izango balitz lanpostua bete, hurrengo paragrafoan adierazten dena erabiliko litzateke.
- 3.–Zerbitzu-erakundeen arteko aldi baterako barne-sustapena.

### **BALORAZIO BATZORDEA:**

Balorazio-batzorde bat eratuko da, Emakumeen eta Gizonen berdintasunerako eta Emakumeen aurkako Indarkeria Matxistarik gabeko Bizitzeko Legearen testu bategina onartzen duen martxoaren 16ko 1/2023 Legegintzako Dekretuaren 21. artikuluan xedatutakoaren arabera. Hala, Giza Baliabideen Hautaketako eta Horniketako zuzendariordea edo haren ordezkoa izango da batzordeburu, eta honako hauek osatuko dute balorazio-batzordea: Azpiegituretako zuzendariordeak; Finantza, Aurrekontu eta Erosketako zuzendariordeak; eta Hornikuntzako Zerbitzu Korporatiboko buruak (azken horrek idazkari-lanak egingo ditu).

### **HAUTAKETA-PROZEDURA:**

Balorazio Batzordeak interesdunek behar den garaian eta moduan aurkeztutako dokumentazioa baloratuko du. Aurrekoa ikusirik, proposamena egingo da dagokion izendapena formalizatzeko. Balorazio Batzordeak lanpostua bete gabe utzi ahal izango du, izangaiek eskatutako eskakizunak betetzen ez badituzte.

### **EBAZPEN HONEN AURKAKO ERREKURTSOAK:**

Ebazpen honen aurka gora jotzeko errekurtsoa ezar daskioke Osakidetzako zuzendari nagusiari, hilabeteko epean, argitaratu eta hurrengo egunetik aurrera.

Vitoria-Gasteiz, 2024ko ekainaren 19a



Luisa Larrauri Ereñozaga  
GIZA BALIABIDEEN ZUZENDARIA  
DIRECTORA DE RECURSOS HUMANOS

**GIZA BALIABIDEEN ZUZENDARIA**  
**LUISA LARRAURI EREÑOZAGA**